

HAUDIVS

Some 1850

I N D E X
SCHOLARVM AESTIVARVM

P V B L I C E E T P R I V A T I M

I N

VNIVERSITATE LITTERARVM IENENSI

I N D E A D I E X V M . A P R I L I S A . M D C C C L

H A B E N D A R V M

A V C T O R I T A T E

P R O R E C T O R I S M A G N I F I C I

ANDR. LVDOVICI IACOBI MICHELSEN

I V R I S V T R I V S Q V E E T P H I L O S . D O C T O R I S P R O F E S S O R I S P . O .

E T

SENATVS ACADEMICI

E D I T V S .

de Pindaro

P R A E F A T V S E S T

F E R D I N A N D V S H A N D I T S .

Com. critica in Pindari carmine

I E N A E

P R O S T A T I N L I B R A R I A B R A N I A N A .

50

In his prooemiis vobis maxime, Cives carissimi, destinatis argumenta videntur tractanda esse, quae ad vestra studia ea ratione pertinent, ut vel praeceptis exponatur, qua recta via in litterarum campo ad condendam doctrinam progrediamur, vel exemplis demonstretur, qua cautione errores doctissimo cuique periculosos vitare deceat. Haec utrum in rebus grammaticis, an in aliis declarentur, parum aut nihil interest. Communia enim habent omnes litterae principia, atque una est prudentia, qua res sive actae sive agenda iuste et sobrie iudicentur, una via, quae ad veritatem nos perducatur. Quare etiam ii, qui in novarum rerum studiis versantur, si sapiunt, non dubitabunt, quin in iis, quae de antiquitate disputantur, multa inveniant, quae in suum usum conferant, neque ars, cui grammatici operam impendunt, critica ad sola vocabula attinet, sed qua argumentatione vera a falsis discernantur docet.

Ne quis vero miretur, me nunc de Pindari carminibus esse dicturum, quae a viris in hac disciplina celebratissimis ad integram formam redacta et tam accurate explicata esse videantur, ut vix quidquam novo studio relictum sit, id unum praemoneo, Pindarum inter eos referri debere, quorum in scriptis quodcumque aevum gravissima cogitandi et deferendi argumenta inventurum sit. Tanta est ingeniorum divinorum vis,

tamque multae sunt difficultates, quibus effatorum verborum interpret vel acutissimus afficiatur. Etiam si igitur toto animo veneramur merita illorum virorum, quorum opera nunc Pindarum a permultis maculis liberatum et illustratum habemus, tamen negare non possumus, in carminum eximia gravitate et artificiosa compositione non pauca reperiri, quae novam perscrutandi diligentiam provocent, nec quisquam audebit profiteri, se omnia recte intellexisse. Duabus autem in rebus interpretes saepenumero errasse videntur. Alii enim in verbis poetae sublimiorem et reconditum sensum quaerere maluerunt, quam in simpliciore sententia acquiescere, id maxime tenentes, omnia, quae Pindarus cecinerit, esse excelsiora et a vulgari cogitatione aliena ideoque obscura. Vbique ergo deprehendisse sibi visi sunt dictiones et verborum formas a communi usu recedentes, ipsique poetae tribuerunt tam multa idiomata, ut eum, in commutandis cogitandi et loquendi modis et in ratione, qua reliquorum poetarum usus regitur, spernenda audacissimum, saepe licentia mirabiliter abusum esse putemus. At audacia, qua poeta ad sublimiores mentis regiones evolat, non destituta est rationis regimine, nihilque agit sine consilio, sed in iis, quae nobis insolentiora et obscura videntur, vel ad antiquos mythos, vel ad res in tempore actas, vel ad vulgarem veterum sapientiam spectantia, non tam verborum, quam rerum cognitio nobis molestiam affert, siquidem ea, quae antiquis hominibus in promptu erant, nunc doctrinae ope eruenda, verborum ambiguitate abscondi existimamus.

Sed ex altera parte eos non minus a iusta et recta interpretatione aberrare videmus, qui, libertatem poetis concessam non agnoscentes, Pindari carmina tamquam librum prosaici scriptoris tractant, et si optio data est, sententiam vel dictionem praeferunt, quae nec poësin spirat, et logicis praeceptis magis respondet quam excelsi animi fervori.

Vtramque hanc viam fallacem esse, non est, quod exemplis declarum, nec tantum quaestiones difficiliore de consilio in componendis carminibus adhibito, sed etiam singulorum verborum explicatio nobis occasionem offerunt sobrie et apte iudicandi, ne ea, quae planissima sunt, obscuritatis quadam specie decorare, neu quae ex liberiore animi motu profecta sunt, ad ingratum orationis languorem deducere videamur.

In primo Olympiorum carmine versu 11 leguntur haec:

μηδ' Ὀλυμπίας ἀγῶνα φέρτερον αὐδάσομεν,
ὅθεν ὁ πολύφατος ὕμνος ἀμφιβάλλεται
σοφῶν μητίεσι, κελαδεῖν
Κρόνον παῖδα.

quae verba nullam corruptionis suspicionem admittunt, atque sententiam exhibent admodum perspicuam et bonam. Attamen permagnam operam interpretes consumserunt in explicando uno vocabulo ἀμφιβάλλεσθαι. Heynius ipse perspexit, qua falsa opinione haec verba cum iis, quae sequuntur, coniungenda et ἀμφιβάλλεται pro προσέρχεται accipiendum esse censuisset. Qui autem Astium sequuti carmina cum sagittis comparari et e mentibus poetarum emitti existimarunt, non satis reputaverunt, in hac metaphora id desiderari, quod ipsam constitueret, sagittarum nomen. Idem dicendum est de iis, qui carmina sententiis sapientium coronata intelligebant. Miramur vero quam audacter Thierschius hymnos finxerit per sapientium curam armis, quae essent modi musici, indutos. Is enim, qui apud Homerum Od. 22, 103 de armis loquitur, addere poterat αὐτὸς ἀμφιβολεῖμαι ἰών: sed inde non potest colligi, ἀμφιβάλλεσθαι significare *armis indui*, nec patet, quae sint carmina armata. Boeckhius interpretatur ita: hymnus *insinuatur doctorum mentibus*, et ut notionem insinuandi tribuat verbo ἀμφιβάλλεσθαι, dicit esse *obiici, offerri, affundi, insinuari*, idque

comprobari posse putat verbis Homeri ἀμφὶ κτύπος οὐατα βάλλει. Equorum strepitus aures tangit circumsonans, at hymnus non obiicitur sive affunditur mentibus, sed exit ex iis. Nam σοφοὶ ex Boeckhii sententia sunt *cum poeta artifices chorum constituentes*. Quid Odofredus Mullerus sibi voluerit verbis *der von Olympus kommende Hymnus umfasst den Sinn der ihn freundlichst bewillkommenden Sänger*, equidem non assequor. Hermannus arbitrabatur ἀμφιβάλλεσθαι dictum esse pro ἐμβάλλεσθαι: quod quo usu et qua ratione fieret, non declaravit. Dissenius, vocabulo, de quo loquimur, significationem complectendi vel comprehendendi assignans, hanc sententiam proposuit: „unde nunc praeclarus hymnus prehenditur doctorum mentibus.“ Quis vero ita umquam loquutus est: hymnus circumiicitur mentibus doctorum? Sed videamus ipsam rem.

Βάλλειν proprie dicitur de carminibus, quae id, quod celebrant, ut omnibus innotescat, emittunt vel pronuntiant, βάλλεσθαι de carminibus, quae ipsa ad celebrandas res emittuntur. Hoc vero recte potest exprimi verbis *iactare* et *iactari*, veluti Virgilius dixit Aen. 2, 768 *voces iactare*. Neque tamen supposita est imago sagittarum, quam expressam videmus apud Pindarum Ol. 2, 98 (161), sed potest, ut in aliis verbis, addi ἀμφὶ, ut vox circum diffusa significetur. Hunc loquendi usum confirmant haec exempla. Pindari Nem. 3, 62 (115) *τεὸν γὰρ αἶμα, σέο δ' ἄγων, τὸν ὕμνος ἔβαλεν ὀπὶ νέων ἐπιχώριον χάσμα κελαδέων*. ubi si de sagittis sumpta esset metaphora, id aliquo modo indicandum erat. Boeckhius cum Heynio reddidit: *certamen quod hymnus attigit*. Est vero certamen, quod hymnus in publicum prodit, pronuntiat, quod est, celebrat. Hymn. Homer. in Apoll. 20 *πάντη γὰρ τοι, Φοῖβε, νόμος βεβλήατ' ἀοιδῆς*. Critici, his verbis offensi, mutarunt ea non uno modo. Ceteris praestare videbatur Hermannii coniectura, qua scribendum esset *νόμος μεμέληται ἀοιδῆς*. Quod

Schneidevinus nuperrime coniecit νομός μεμέληται ἀοιδῆς et ita reddidit *liegt dir doch überall der Weideplatz den Liedern am Herzen*, id vereor, ut cum graece et germanice loquendi usu conveniat. At nulla emendatione opus est, nisi quod in scriptura codicum βεβλήσεται φῶδης restituas antiquam formam ἀοιδῆς. Dicit enim poeta: *ubique tibi, Phoebe, carmina modulata divulgantur*, quod est, laudes tuae carminibus divulgantur. Neque aliter Pindari verba accepit scholiaſtes, qui interpretatur ἀνακρούεται.

Aurea sunt verba carminis secundi v. 62 (102) de divitiis cum virtute coniunctis:

εἰ δέ μιν ἔχων τις, οἶδεν τὸ μέλλον,
ὅτι θανόντων μὲν ἐνθάδ' αὐτίκ' ἀπάλαμνοί φρένες
ποινὰς ἔτισαν, τὰ δ' ἐν τᾷδε Διὶς ἀρχῇ
ἀλιτρά κατὰ γᾶς δικάζει τις ἐχθρῷ
λόγον φράσαις ἀνάγκη.

in quibus et grammatica ratio tam perversa et sententia tam implicata videbatur esse, ut interpretes vel de integritate verborum dubitarent, vel poetam a plana via decessisse putarent. Antiqui libri praebent ἔχων, pro quo interpolatores substituerunt ἔχει.

Hermannus id negans „non, inquit, verbi locum tenet participium, sed fervor poetam ad anacoluthon abripuit. Volebat dicere: si quis opes virtute temperatas possidens, sortem intuetur eorum, qui propter bene facta diis cari sunt, is ita utitur divitiis, ut hic Thero. Sed delatus ad descriptionem illius beatorum fortis, pro apodofi, quae sequi debebat, aliam liberius conformatam substituit v. 160 ἔπεχε νῦν σκοπῷ τόξον etc.“ At tali loquendi audacia vix quisquam utitur, qui ut sententia sua intelligatur in curis habet. Pindarus quidem animi fervore non ita corripie-

batur, ut sobriae mentis limites tranfiliret: nec quidquam facilius videtur, quam cum Matthiae in *Grammat.* p. 1094 dicere, omiffam esse apodofin. Nullum enim anacoluthon admitti potest fine iufta cauffa, quae hic omnino defideratur. Quare Boeckhius haec verba, de quibus loquimur, cum iis, quae praecedunt coniungit, et *εἰ δὲ* mutat in *εἰ γὰρ*, unde haec fententia prodit: divitias virtuti iunctas optimam rem homini effe, liquidem qui eas teneat, futurorum non fit immemor, quae poft mortem homines maneat. Quis vero non fentit languorem orationis interiecto vocabulo *ἔχων*? quis approbabit iftam fententiae formam per *εἰ γὰρ* expreffam? Omnia in hoc loco fana et integra funt, fed duae res animadvertendae. Participium non potest pro verbo recto poni in enuntiationis parte primaria, potest autem in fecundaria, praefertim in conditionali fententia per *εἰ* expreffa, nec tantum e poetarum, fed etiam e profaicorum fcriptorum ufu. Plato *Phaedr.* 94 (260. d) *εἴ τις ἐμῇ ξυμβουλῇ κτησάμενος ἐκεῖνο, οὕτως ἐμὲ λαμβάνειν.* Demofthenes *Olynth.* II. 18 (p. 23) *εἰ δὲ τις σώφρων ἢ δίκαιος ἄλλως τὴν καθ' ἡμέραν ἀκρασίαν τοῦ βίου καὶ μέθην καὶ κορδακισμοὺς οὐ δύναμενος φέρειν.* Eurip. *Elect.* 533 *εἰ καὶ γῆν κοσίγνητος μολῶν*: ubi critici a mutatione abftinere debebant. Hoc autem fit ea ratione, qua *ὅστις* et *εἴ τις* alternant.

Sed plurimi interpretes eo maxime offendi funt, quod Pindarus dixit eum, qui opibus cum virtute coniunctis gaudeat, cognitas habere maleficorum poenas, quum memoranda potius effent virtutis praemia. Diſſenius multa diſputat, ut demonſtret Pindari ſententiam eſſe hanc: „ſi quis autem haec habet, novit, certo ſperare poteſt poſt mortem praeclaram ſibi ſortem paratam.“, atque hanc ſententiam ita formari, ut *ὅτι*, priori enuntiationis parti praefixum, etiam attineat ad alteram, quae ob magnum periodi ambitum per ſe conſtet: *ἴσον δὲ* etc. At ne hac quidem ra-

tione perspicitur, cur in hac sententia poeta maleficorum mentionem fecerit, et primo quidem loco. Si igitur prudenter cavemus, ne ad nimiam subtilitatem aberremus, neve in poetam audaciam transferamus temerariam, facile inveniemus, qua recta ratione ille usus fuerit. Etenim apud eum ex antiquorum hominum opinione notiones opulentiae et virtutis et bene actae vitae cognatae sunt et in unum quasi coeunt. Eum enim, qui opibus gaudet, nihil impedit, quo minus recte iusteque agat. Quare poeta loquutus est ita, uti aliter loqui non posset. Sententia haec est: is, qui opibus potens est, bene cognitum habet, quid futurum sit, sibi recte iusteque agendum esse, memor istius iudicii, quo post mortem malefici poenas rependunt. Neque vero statim poeta describit beatam bonorum vitam post mortem, sed antea declarat opulentos ideoque virtute praeditos curare, ne poenas maleficis imminentes in se convertant.

Transeo ad tertium locum, in quo longum est enarrare, quam multiplicem subtilitatem viri docti adhibuerint, ut sententiam poetae comprehenderent. In primo carmine Pindarus ad celebrandum Pelopem praeter alia fabulam, qua Tantalus dicebatur corpus filii coctum in epulis apposuisse diis, eo consilio narrat, ut meliorem nec diis indignam explicationem antiqui mythi proponat. Dicit igitur v. 46 (72):

ὥς δ' ἄφ'αντος ἔπελες, οὐδὲ ματρὶ πολλὰ μαιόμενοι φῶτες ἄγαγον,
 ἔννεπε κρυφαῖ τις αὐτίκα φθονερῶν γειτόνων,
 ὕδατος ὅτι πε πύρρ' ἔζοισαν ἀμφ' ἀκμὴν
 μαχαίρῃ τάμον κατὰ μέλη,
 τραπέζαισι τ' ἀμφὶ δεύτατα κρεῶν
 σέθεν διεδάσαντο καὶ φάγον.

Est hic locus ex iis, in quibus ante omnia quaeramus, quid poeta

dicere potuerit, quidve non potuerit. Praetermitto medelam, quam Boeckhius e duobus codicibus attulisse sibi visus erat scribens *δεύματα*, quod etiam si non ita absonum fuit, ut ab Ahlwardto inurbano risu exciperetur, tamen nimium adeo redolet culinam, nec eo vindicatur, quod Pindarus, ut in aliis locis, ita hic quoque iocatus esset. Res enim, de qua ille loquitur, tristissima erat. Alii interpretes, Athenaeum sequuti, intellexerunt secundas epulas, quae non *δεύματα*, sed *δεύτεραι* appellabantur. Nec causa apparet, cur secundis epulis appositum fuerit laceratum Pelopis corpus: quae scilicet indicanda erat. Alii existimabant significari ultimam epularum partem, non ad id respicientes, quod antiqui moris erat. Nam in extremis convivii non carnes apponi solebant, sed pemmata et bel-laria et mala. Hermannii sententiae, qua carnes dicantur, ne intelligantur ossa, extremae autem propterea, quod solus humerus consumptus et postea ebore suppletus fuerit, rationes eae refragantur, quae ad veram explicationem perducunt. Nam in fabula istius vicini malevoli nec humeri nec reliquarum partium mentio facta est, nec fieri poterat: neque humerus non aliis verbis additis simpliciter vocari potest extrema car-nium pars, nec unum humerum putabimus inter omnes convivas (*ἀμφὶ*) distributum dici. Quaenam igitur succurrit vera ratio? Ut statuamus id, quod a poeta narraretur necesse erat. Pelops iuvenis in coelum sub-latus evanuerat et ne vestigium quidem reliquerat: quo facto unus e vicinis impiis exstitit, qui diceret, corpus Pelopis coctum et a diis con-vivantibus esse devoratum, nec ullas inveniri reliquias. Id comminisce-batur illico (*αὐτίκα*), nec humeri mentionem facere poterat, de quo alii postea fabulam confecerunt. Atque illud refert poeta dicens carnem ad ultima frustra esse comesam. *Δεύματα* enim sunt ultima, extrema. Scholia-stes maluit ineptam doctrinam numeralium exponere, quam explicationem

ab antiquis interpretibus acceptam sobrie tractare, sed ex ea servavit verba εἰς μικρότατα. Sunt vero δεύτερα, quibus desumptis nihil reliquum est. Ἀμφὶ referunt alii ad τραπέζαις, quod per se stare potest, alii adverbium esse dicunt, ut significet cibum circumcirca esse distributum. Nihil autem obstat, quominus praepositionem cum proximo nomine coniungamus. Ἀμφὶ enim, quod alio usu de tempore et numero non exacte definiendo dicitur, ab origine significationem eam obtinet, qua totam rem comprehendi iubet. Olymp. 2, 33 (54) τὸν ὅλον ἀμφὶ χρόνον, i. e. totum per tempus. 1, 97 (157) ὁ νικῶν δὲ λοιπὸν ἀμφὶ βίον ἔχει μελιτόεσσαν εὐδίαν. Hymn. Homer. in Merc. 172 ἀμφὶ δὲ τιμῆς κἀγὼ τῆς ὁσίης ἐπιβήσομαι, ἥσπερ Ἀπόλλων, i. e. prorsus eiusdem honoris compos fiam. Hymn. in Cerer. 85 ἀμφὶ δὲ τιμὴν ἔλλαχεν. In utroque loco nescio qua ratione Rostius in Lexico scripserit ἀμφὶ esse δίχα, χωρὶς, seorsim. Ceterum διαδάσασθαι recte cum genitivo κρεῶν componitur, veluti μεταδιδόναι et cum accusativo et cum genitivo coniungitur. Pindari verba igitur ita sunt reddenda: *dixit illico aliquis invidorum vicinorum, illos ad aquae igne ferventem aestum cultro membra dissecuisse et in mensa tuas carnes totas (ad ultima frustra, bis aufs letzte) distribuisse et comedisse.*

